

中國方志叢書•華北地方•六十九號

據 民國趙文運匡超等纂修  
民國二十一年鉛印本影印

山東省

膠

志

(一)

成文出版社印行



中國方志叢書

•華北地方•六十九號

據民國趙文運匡超等纂修  
民國二十一年鉛印本影印

山東省

膠

志

(二)



成文出版社印行

10107665\*

中國方志叢書•華北地方•六十九號

2  
25  
16  
15  
14  
13  
12  
11  
10  
9  
8  
7  
6  
5  
4  
3  
2  
1  


山東省

膠

據 民國 趙文運 匡超等 纂修  
民國 二十一年 鉛印本 影印

志

(三)



成文出版社印行



\*10107668\*

中國方志叢書•華北地方•六十九號

據 民國趙文運匡超等纂修  
民國二十一年鉛印本 影印

山東省

膠

志

(四)



成文出版社印行



\*10107667\*

中華民國五十七年三月壹一版

# 膠

# 志

全四冊

定價：新台幣一四〇〇元正

發行人：黃成助

出版者：成文出版社

臺北郵政信箱二二六〇五號

有所權版

印刷者：正大印製廠

臺北郵政信箱二二六〇五號

內政部登記證內政臺業字第  
一一四七號

## 增修膠志序

志書胡爲而作也蓋舉一縣之掌故筆之於書以垂諸久遠也曷重修乎爾蓋舉數十年來因革損益取春秋家自近者始之義重爲釐定也曷序乎爾蓋序其緣始俾知此邦人士補闕拾遺之盛心且以證我緇衣之好也天道無百年而不變世變愈亟則人事之遞變遂百出而不可勝窮膠州志重修於道光乙巳年距今八十餘年矣此八十餘年中文物之變遷時局之遞嬗往往出人意料以外河漢無極聞者驚怖不有記載奚示來茲余髫年游皖晤此邦柯慤如先生獲聞緒論不圖三十餘年以後來游此邦慤老早歸道山每一企想殊有望古遙集之思自念一身一世凡所經歷恆非初意所及矧以一縣之大其沿革情狀變化爲何如耶余

舊學荒落老筆叢殘匡君北海所謂瑞人神士朗出天表此編蒐輯宏富殆閱盡滄桑世界者易曰窮則變變則通通則久閱者當抱無涯之希望以斬達於長治久安之一日庶此編之不朽也

中華民國二十年十一月二十四日膠縣縣長袁勵杰序

## 增修膠志序

膠之有志始於明萬歷年間迄清康熙乾隆年先後繼修至道光年志而始臻完善蓋萬歷年志稽古多謬而康熙乾隆年二志復益之以附會致令此邦碩學耆儒執筆而議其後於是張氏謙宜有州志別本法氏坤宏有新志刊誤張氏賓雁有劉志疏證弟羣雁有補修志管見等書刊行於世若是乎修志之難也惟道光年志爲東萊李少白先生所纂之書識者稱爲善本自道光末重修後迄今又八十餘年矣回溯清季以至民國十數年間潮流趨勢新政繁興時局變遷老成凋謝於此時而修志其難更有加倍於昔者然停廢逾久則搜輯愈難以故民國十年前任陳縣長章民倡爲續修膠志之舉聘請趙子開孝廉爲總纂未幾趙君歸道山

繼任者爲邑紳匡北海先生惜脫稿後因艱於籌款未卽排印束置高閣八年矣已巳冬國府通令各省屬縣修志乘於是膠邑重組修志局仍聘匡君司纂事詎修至去年五月遭季軍之亂停頓三月餘事平該局監理蕭君呈府乞展限適余承乏茲土對於邑乘樂觀厥成遂亟贊其請俾免功虧一簣計自民國十九年二月開纂閱十有二月而告竣余得窺全豹喜其搜羅宏富綱舉目張足補前志所不及今志書將付印總纂匡君索余弁言余嘉在局諸君之苦心熱血卒竟全功而錫文得與斯役附驥以傳亦自謂有榮幸焉爰述其本末如此至斯書體例奚若有匡君修志凡例二十二則在閱者當自知之余不復贅

中華民國二十年五月下澣膠縣縣長德縣謝錫文譔

## 增修膠志序

膠縣前志終於清道光二十五年民國十年開局續修至十三年事竣而未付印十九年因上峯調取縣志邑紳乃建議增修以余曾承乏教育局長對於膠縣情形稍爲熟悉荐諸邑侯葉公延爲分纂由是得參末議竊取前志讀之考據精覈體例謹嚴續志因而弗改當矣惟是時會所趨事實有推嬗文體亦須變通方今教育自治皆國家根本要圖社會問題尤世界特別重視數者皆前志所無續志所略而今日增修所不可缺者於是商承總纂一一補入且多用新式表體以期詞簡而事賅夫志之難難於創而不難於因茲編因而非創似無所謂難者然自國體變更新舊殊制周咨博訪文獻無徵因而兼創視前志則難矣竊謂修志一事或

稽之檔案或考之成書或徵之採訪資料既備始有所依以爲憑今欲緣事以起例卽實以求是其有可依據者無論矣若夫教育成績雖有檔案可稽而零星分散檢查非易則薈萃難財賦鹽法紛紜複雜甚至卷宗散佚則鉤稽難民生狀況旣無檔案又無成書空洞泛闊則調查難至於畢業學生肄業旣非一校居處又非一地或輟業於半途或服務於遠方採訪旣難周遍且又迫於限期無從容搜尋之可能於此而欲無遺漏無訛誤則尤難乎其雖然使畏其難而弗事纂輯按之事蹟有古而無今旣不免偏枯之弊更無以順潮流之勢而供閱者研究參考之資故僅憑此管窺以待後來之糾正不敢任其廢缺致招通人之譏評此則區區苦衷願識者共諒之也抑思自茲以往政治之紛更社會之演進財

政之繁雜學子之競勝尤有日新月異倏忽變遷之勢時過境遷  
真象難明有志之士欲從事摭拾舊聞網羅軼事苦於陳編莫窺  
無可徵信其困難或更甚於今日所貴備之以預積之於素紀錄  
有專員隨時有調查逐事有統計探討有資纂輯自易是所望於  
當局之提倡焉書成總纂索余弁言因書概略如此

中華民國二十年三月卽墨黃象冕謹序

封 集 卷 二

五

## 舊序一

余讀傳至韓宣子聘魯觀書於太史氏曰周禮盡在魯今郡邑志卽古史遺鏡往證今厥繫顧不重歟然善治者日誌誌簿書期會間每於此謝未遑使遐軌湮淪將考據亟反之靡由治不古若奚怪也我膠卽古介國自漢立膠東西郡渤海汪洋騰暉千古高山峻嶺巒乎相望其間名世若董仲舒蘇長公土著若蓋公庸生皆騰茂蜚英輝映前後乃迄無志載矧國家二百年來州人夙稱朴厚慶歷而還時俗駁薄固其風會日趨於下則夫爲志以考古維風信不可緩我先君海壑嘗有志焉而未逮適際我余大夫松野公來守茲土留意邦典諸廢次第修舉毅然以規創爲已任曰志不信今曷由傳後於是廣咨旁稽攬溟陬之勝概則詳地里考沿

革之往蹟則明建置崇報反則類祠祀察生殖則悉田賦寓規勸  
則列官師表忠節則紀人物重錄進則著選舉賞鴻裁則戢藝文  
綱舉目張彙登而確載焉是役屬草於博士弟子員李綽然崔一  
鳳宋一奇高潮李君寵輩搜括纂集一稟裁於我公分類成帙凡  
爲目八將壽諸梓屬余敍余郡人也弗獲辭夫志識也備觀覽而  
昭勸懲後之吏斯土者可矚而興生其間者亦可鑒而奮將不爲  
董蘇爲庸蓋也乎裨益非淺尠也不直行簡已耳萬歷十九年州  
人趙慎修撰

舊序二

皇上御極之十一年道一風同禮明樂備百廢釐舉崇右文教祖  
訓昭而實錄告成國史彰而纂修畢協迺採風問俗搜訪遺編彙

郡邑乘而輯維之以成一統之國志布示天下爰及於膠夫膠古  
介國也自春秋魯僖公二十九年介葛盧來朝而聲名文物漸以  
鬱茂其經術則董仲舒費直庸譚爲最著其治效則蓋公張敞爲  
最神帶海襟山綿芋蜿蜒俗以朴而能醇士敦志而法古溯厥淵  
源覽諸記載泱泱乎何風之隆乎韜不敏承乏斯邑其敢不爲表  
章以對揚天子之休命惟是膠州志修於明之萬歷十九年未有  
更輯其間天時人事之不一史治人才之日新版章土宇沿襲或  
殊而况數罹兵燹之後碧化膏原無非志士環歸月下盡屬貞操  
使非有博聞強識之儔追踪往蹟摭實表微其何以申明軼事攷  
鏡得失也乃檄博士弟子員擇其淹通共襄是役僉曰高生國標  
能搜散帙熟舊聞揣摩是書多歷年所且書垂成可專任焉爰爲

鳩室庀材剗劂以進釐其亥豕核其掌故偕學博及鄉大夫諸茂才廁勵而共成之五閱月歲癸丑書成不禁慨然曰是足以志膠矣夫志者志也從來貞臣孝子義夫節婦莫不有志而山川土俗之成文動植飛潛之治化取而志之亦莫不各遂其志是故記載不實不足以示文献之徵筆削不嚴不足以彰勸懲之用是役也搜攬子史周咨耆舊效編年而記大事法夏五而存闕疑封建沿革詳歷朝也圖緯星野辨國是也署解司所存舊章也形勝景物討古實也兵防驛遞重邊圉也戶口徭役遵王制也至於人物以彰教化更治以益民生忠孝節義同日月之光天科目藝林表文章之華國慮海道之難悉而微茫島嶼得之張氏之疏章虞殉節之或遺而黯淡秋霜備錄王公之野史彙爲八卷列若前籌雖俗